

Диктант для детей с ОВЗ

Ачазының мөге, күчүтен кижилер дугайында солун чугаалары Күдеректи кара чажындан бир янзы кижизидип, эрес, эрзиг, угаан-сарыылдыг болурунче албадап-даа, өөредип-даа турганы магат чок. Күдерек кара чажындан-на чүгле даштыкы хевири-биле эвес, а иштики сагыш-сеткил тургузуу-биле мөге кижиниң омур-хевириге дөмейлежир апарган. Ол хорадаар, кылыктаныр, мөгаттынар деп чүве билбес. Даады чазык-чаагай, маажым болгаш кончуг кичээнгейлиг чоруур турган. Оглу ойнап чорааш келирге, ачазы хүлүмзүрүп:

- Чаа, мөгевистиң идик-хеви бүдүн келди бе? Оолдар-биле хүрежип турдуң бе, оглум? Кашты октадың? – деп, өске улусче бүдүү имнеп, хөөктүрө аарак айтырар.

- Хүреш билбес оолдар тон орар боор чүве-дир, ачай. Мен оолдарның хевин-даа ора сокпас кижидир мен. Аргалыг болза хей-биле чиикке каарын бодаар-дыр мен. Чамдыкта күш шуут хереглевес-тир мен. Таптыг көрүп турарга, билдингир апаар чүве-дир. Бир оолдуң буду кошкак, өске оолдуң холдары сула, а чамдык оолдар чеже-даа күштүг болза, бодал чокка кайы хамаан чок шимченир дээш бо кижиге алзып алырлар-дыр - деп, Күдер ачазынга хөлчок идээргеп чугаалаар.

(И. Бадра)

Грамматиктиг онаалгалар:

1. Морфемниг сайгарылга (сөс тургузуунуң сайгарылгазы): *чугаалары*
2. Домактың долу морфолог-синтаксистиг сайгарылгазын кылып
Хүреш билбес оолдар тон орар боор чүве-дир, ачай.